

西南稀見方志文獻

第四十二卷

# 中國西南文獻叢書



中國西南文獻叢書·第一輯

西南稀見方誌文獻

第四十二卷



本輯主編：林超民

張學君

王水喬

副主編：高衝 尹波

陳寶生

蕭霽虹

王強

本卷目錄

- 平溪衛志書 〔清〕鄭逢元纂.....  
開泰縣志 〔清〕郝大成修 王師泰纂.....  
一一三

【清】鄭逢元 纂

平溪衛志書

《平溪衛志書不分卷》，清鄭逢元纂。原稿修於康熙十二年（公元一六七三年），未刊。本書據公元一九六四年貴州省圖書館油印復制本影印，原書成品尺寸為二十厘米乘十四點五厘米，版框尺寸為十六厘米乘十二厘米。

平溪衛誌書目錄

鄭序

三

舊志序

七

建置

九

輿圖

十

星野

十一

形勝

十二

山川

十一

津梁

十二

一江信言三

土產

風俗

田賦

人丁

驛遞

役夫

鋪司

設官

駐防

祭祀

十三

十三

十三

十五

十五

二十

二十一

二十二

二十三

二十三

學校	二十三
科目	二十一
明經	二十八
人物	三十
忠臣	三十一
孝女	三十二
節烈	三十一
鄉賢	三十二
鄉望	三十二

三十三言

名宦

三十三

寄寓

三十三

謫戍

三十三

仙釋

三十四

災異

三十四

名勝

三十五

藝文志

三十七

詩

四十七

序

平溪衛志書前創於先正首云吾里自建衛來地靈人傑戶誦家絃書香噴星斗之輝劍氣吐虹霓之色全帙不能記憶即四語以可覩盛時大概至天啟年間豫章壇石熊公以江南巡撫謫戍平溪建鴻雪草堂吟詩作賦間與子衿遊玩山水謂此間形勢雄拔奇秀雖面前水淺有潺湲聲下則澄淨如武人釋甲胄雍雍於禮樂之堂灣環凝碧妙若畫圖愈以知風俗之醇而賢人君子之多也可無誌乎集眾謀之余時為諸生後巡侍坐乃云誌地方者以人才為主如

前之巡撫侯位御史唐一鵬起家進士侯則操江而名高南省唐則執簡而望重西臺舉人燕祖召累官憲副有直臣廉吏之名均有光於史冊舉人鄭維藩工於賦詩有中晚之目聞舊乘多出其手藝文一節亦以昭文明之盛人謂劉尚父子作藝文誌為誌之始非也六經非志乎易志天人書志政事詩志風俗禮志儀則樂志大和春秋志列國以為典矣實麗而文觀易奇而法詩正而葩可知矣平溪一衛分耳論科目二三常有之四五間有之甲子五名皆詩經余接其人雅志翩翩若萬君年策襟期曠達典故精通

可卜異日立朝事業擇持衛事武職之功居多指揮  
鄭恂洪福鄭嗣賢洪官鐵礮萬里鵬許邦帥張皿維  
袁翰高冠於有光萬年祚李逢陽等調濟衝繁能聲  
遠播大有功於地方文武併美皆扶輿淑氣所鍾毓  
也論人材則行誼繫之此中仕宦多兩袖清風不以  
姑臧自潤囊篋蕭然者比比皆是亦可以風有位孝  
子則汪浩何恩鄭嗣廉三人皆割股救親汪何有奉  
旨旌表之坊鄭欠闡揚之舉節婦則鄭門劉氏張門洪  
氏又劉門鄭氏皆少年守節歷艱苦於九十餘歲劉  
旌表有介石清操之額洪旌表有慈節壽考及節有

義方之名鄭無一字之褒若此者有幸有不幸耳海內名賢淹沒而不彰者可勝道哉景泰時建大功以垂不朽無如指揮鄭泰建得勝樓御史余翹撰碑謂擊滅逆苗救全一衛生靈且聞苗未竊發之時有童謠云蒙陰陰來我城誰其擊者伯和兵伯和即鄭泰之字事亦奇矣若景之奇妙有萬卷書石蓮峯浮沙洲三者在一處次第而見石蓮聳於山頂彷彿蓮瓣併峙一峯銳擬兜鍪在水口上若砥柱焉浮沙洲拱起驛江之中面砂內空善水者知之砂非塊石也而水流不去空亦不陷奇矣大比有中式者則洲長而

有角里人以此卜科第之有無多寡其萬卷書純石  
無土半在江心似牙籤玉軸層層明白綿亘百餘丈  
高十丈帆檣上下靡不飽看西南有飛鳳山似鳥鼓  
翅前一後一前大後小如引如從山頂建荆士子讀  
書其上多有發者平溪之景不止四處而四者最聞  
每景之下名賢有詩甚佳今不可得欲強為補綴未  
必如昔人之賦瀟湘者熊之謙言若此商榷之後續  
舊志之殘缺辨亥豕而訂之兩月告成真實佳麗一  
方之幸也崇禎末年變世城中荒草青憐熊志亦絕  
茲以衛公奉通志之

命屬載筆焉拳拳無已未敢以老成凋謝為推世無龍  
 門涑水豈遂無史乎乃據後學之有筆性或諳於前  
 事者列其款目給之肇札余老人董其成焉且囑之  
 曰綺語傷繁質言傳信聞見欲其確也各駢枝其說  
 剪彩為花無為貴志矣由前言之述壇石公之言敷  
 衍大概至於此後人文不乏總無濟於勝國何堪編  
 入

鴻章分別去取是又在夫操觚者雖然亦又有說焉  
 志者紀成事也已成者可紀未成者將無所需乎如  
 城池有復隍之厄田糧欠清楚之舉夫馬無畫一之

規居猶茅茨民尚凋殘前之蒞茲土者當草創之時  
因陋就簡是以腰裏之病有待越人今幸山左王公  
諱士梓以世胄之賢展斡旋之手留心民瘼可免廢  
弛之憂但無米之炊巧婦難之或者易之屯卦大象  
曰雲雷屯君子以經綸盤根錯節豈異人任哉端有  
望於新硎匪淺也是為序

時

康熙十二年癸丑歲孟秋月念二日里人鄭逢元題